



2: Transcript- Chovya Chovya

- Baba Chaurembo: Habari mama?
- Mama Chaurembo: Nzuri tuu baba, leo umewahi kurudi, karibu.
- Baba Chaurembo: Asante mama, yaani leo kule kazini nimepata kifuta jasho.
- Mama Chaurembo: Hongera sana baba!
- Baba Chaurembo: Asante sana, sasa mimi nilikuwa nafikiria hapa nyumbani tuna shida moja, unajua shida yenyewe ni ipi? Kabati la vyombo.
- Mama Chaurembo: Yaani kweli kama ulijua! maana hata mimi nilikuwa nafikiria hivyo hivyo, hatuna mahali pa kuviweka vyombo hata vingine vimeshavunjika.
- Baba Chaurembo: Chukua hizi hela uziweke (anahesabu, 12, 34, 56) naomba hii hela usiiguse hiyo nyingine niwekee pembeni tutaonana baadaye.
- Mama Chaurembo: Unaenda wapi sasa?
- Baba Chaurembo: Naenda kwa jirani kuzunguka kidogo.
- Mama Chaurembo: Basi usichelewe.
- Baba Chaurembo: Sitachelewa mke wangu.
- Muuza nguo: Wakina mama! jamani kuna mashati, vitenge, wale wa nguo tunapita jamani!
- Mama Chaurembo: Wewe njoo,
- Muuza nguo: Yaani leo nimekuletea vitu freshi,

mashati mazuri kabisa.

Mpende mumeo, vitu vizuri

Mama Chaurembo: Hebu lete nione, ndio shilingi ngapi?

Muuza nguo: Vitenge shilingi elfu kumi!

Mama Chaurembo: Elfu kumi bei ghali!

Muuza nguo: Tena hapo nimekupunguzia, tena hiyo saizi yako.

Tena hicho kitenge usikiachie kabisa!

Mama Chaurembo: Haya nipe hiyo bwana.

Muuza nguo: Yaani hiyo ni nzuri kabisa tena na mzee akivaa shati lake mnatoka kabisa.

Mama Chaurembo: Wewe si unavutia tuu biashara?

Muuza nguo: Wewe nipe hela bwana!

Mama mbona hutoki?

Mama Chaurembo: Siunajua hela zipo mbali, Haya chukua shoga.

Muuza nguo: Haya asante.

Nitakuletea magauni ya watoto.

Mama Chaurembo: Haya!

Baada ya dakika tano.

Muuza viatu: Pata viatu dada, habari za leo dada?

Mama Chaurembo: Salama tuu umeshindaje?

Muuza viatu: Nzuri tuu.

Mama Chaurembo: Naona leo upo kwenye biashara.

Muuzi viatu: Ndiyo nipo kwenye biashara dada yangu.

Mama Chaurembo: Viatu bei gani?

Muuzi viatu: Nipe elfu saba tuu dada yangu.

Mama Chaurembo: Haya subiri!

Zile hela nilizozichukua kununulia nguo nachukua tena , kununulia viatu najua kabati haliji leo ngoja tuu nikanunue viatu.

Njoo chukua hela basi.

Muuzi viatu: Haya dada yangu asante.

Baadaya ya siku mbili.

Baba Chaurembo: Sasa mke wangu, lile kabati kule kwa fundi limeshaisha kwahiyo naomba zile hela nilizokupa kipindi kile ili nikitoka kazini nije nalo.

Mama Chaurembo: Baba Chaurembo, yaani tayari mara hii?

Baba Chaurembo: Ndiyo yule fundi ni mzuri sana anatengeneza haraka sana, yaani hata wewe ukiliona utafurahi.

Mama Chaurembo: Haya sogea.

Baba Chaurembo: Haya.

Mama Chaurembo, pesa nilizokupa zimekwenda wapi?

Mama Chaurembo: Samahani mume wangu, sikujua fundi atatengeneza kabati kwa haraka hivyo. Nilikuwa nategemea kupata hela zangu

za mchezo, umefanya nini sasa?

Vocabulary

Kifuta jasho- Bonus

Shoga – “girl friend”